

## BAKURUBASANNI


(nimero 12 songs)

Mali kono = Dōrōmē 300

Atinki kono = Dōrōmē 600

Jamana were = Dōrōmē 1000

Okutōburukalo san 2002



Kunnafonisében bɔta kalo o kalo. BP: 24 Téléfoni : 221-21-04. Bozola Bamako-Mali. San 30nan bɔko 369nan. A songs : dōrōmē 15

# Gofərenaman kura ka nɔgɔnye fɔlɔ



### Jamanakuntigi y'a hakilina fɔ fanga taabolo kan.

sɔrɔ tuguni.

A da sera gelya filanan min ma, o kera sanjidesé ye. Sanji ma laboli kɛ ninan, sumandésébenaké, ogelyaw ka kan ka nesigi, k'u kunbenfereuw tige kabini bi.

Gofərenaman ka baara taabolow siratige la, Peresidjan ATT y'a jira minisiri kura ninnu na, ko fasodennumanya de y'u lana gofərenaman kono, u yew ka lajini kono.

ne 2

Malidenw ka lakana. Dunkafa sira kan, u ka lakana. Sirabaw kan, u lakana. Maliden minnu bɛ tunga fɔ, olu fana ka lakana. Jamanakuntigi Amadu Tumani Ture y'a jira Arabadon, okutōburukalo tile 23, san 2002, gofərenaman kura ka nɔgɔnye fɔlɔ senfè Kuluba, ko malidenw lakanani, siratige bée lajelen kan, o ye gofərenaman haminankobaw do ye. Kɔdiwari kɛlɛ senfè, balawu min ye malidenw sɔrɔ, a y'a ka nisɔngoya jira ola. Gofərenamanbenawulikajow kɛ walasa bén ni lafiya ka segin Kɔdiwari kono, baasi kana malidenw

## Kunnafoniw

O hukumu kono, u ka baara ke ni cesiri ye, tijne ani hakili, k'a don k'a fo, k'u te pariti si togo la, u te politikikulu si togo la, u ma na ale yere fana kama, goferenaman kono. U be jamana ka sigi de la, u be jamana ka bila de la, u k'u hakilito o yoro la.

Yelema numan min fora, n'Ala sonn'a ma o be ke.

Peresidan ATT y'a jira, ko jamana haminankobaw ka ca. O n'a ta bee, denmisew ka baarako tene bila minen girinda la, foka jenabojoo, ka fura soro baarasorobaliya la dugubaw kono ani burusiw kono. Fen min ye lakoliko ye, a ko, fo lakoli ka segin a cogoya koro la, kalan ka ke konuman basigi kono, bawo san tan laban ninnu tijeni n'a nimisakow cayara.

Peresidan y'a geleya minisirijemogo n'a ka minisiri tow ma, u ka baara o baara, abee lajelen ka jesin malidenw ka lafiya n'u ka here soroli ma. Balo ni hadamadenw magonfetenw songo ka nogoya. Feerew ka tige bee k'i kundonyoro soro, bee ka du soro. Jamadenw ka kenyaya sabatili, boloci, SIGIDA kenyakow, goferenamanka kan k'i jesin nin bee ma joona-joona, ka fura sansongo ni furakelisongo nogoya, ka kenyasow caya.

Peresidan da ma teme sigida lakananiko kan. Bamako saniyali ani joliba (baji) gerenni, a da sera o fana ma. Censem be ka joliba dun doonindoonin, fo feere ka tige o ko la, n'o te, an b'an bolo kin k'a firifiri don do.

Maliye konomajamana ye, a sigilente kogaji si da la, o de y'a to ni konomarikele digira anna kosebe. Fura min b'o la, o ye ka bosisa weresw nini, ka fara konomari kan. Ohukumu kono, Bamako ni Konakiri sira bena dilan k'a ne, onafolobee sorola ka ban. Sira bena bo Bamako ni Dakaro ce, ka fara negesira kan; negesira be laben ka ne sann'o ka ke. Hali Bamako ni Niwakisoti sira dilanni fana jateminenen don. Nka, o si t'a bali, jamana kono, siraba korow ka laben, ka kuraw dilan, ka sigidawtugu nogon na.

Fanga labenni, a da sera o ma. An be don min na i ko bi, dije ye josen kura ta. Fanga ka kan ka laben ka ben o ma, walasa a ka se k'a joyoro fa a nema. Feerew be ka tige, baarakelaw ka se ka yiriwa, u ka baara kono, ka baara kecogo numan sira don u koro. Baarakelaw ka kan teme nogon kan, n'u ka tilennenya, u ka cesiri n'u ka dogni ye. Baaranumankela man kan ka ke bolokfemogo ye, a ka kan ka ladiya, a k'a ka segen sara soro. O kofe peresidan y'a jira k'a te ben bilen, baarakeyorow ka ke i n'a fo politikiton dow halalafenw. An n'a sigijemogon jamanaw ce la, Mali sogolen don ka bila jamana caman na. O ka kan k'an son hakili la. Mogow ka donkabok ka ca jamana kono. Ola, foka lakanasabati, ka mogow n'u bolofenw lakan, ka sonyali ni binnkani kele dugubaw kono. N'o ma ke, lakanabagaw na nininka, o sababuya la. O hukumu kono, lakanabaga minnu mana u cesiri kosebe u ka baara fe, faso be olu walenumandou. Mali ka kan ka kunnafonijensefere kuraw k'a ka baarakeminenye. Ordinaterika caya, bee ka se ka baara ke a la, jango lakolidenw, ATT da sera o fana ma.

Farafinna ka yiriwalisira kura, NEPADI, fana ye Mali goferenaman haminankobaw do ye, ka tegedijemogonma sabati, k'a kelenya sinsin farafinw ni nogonw ce. O senfe, maliden minnu be tunga la, olu joyoro ka kan bonya faso joli la kosebe.

ATT da sera an ka farikolojenajelaw ma. An ka muso ntolatannaw n'an kan ntolatanna denmisew ye, kunnawolo min soro, kosa in na, a y'u fo k'u walenumandou, nka, a ko, ko baara toba be kofe, u k'u cesiri halibi. Peresidan y'a geleya minisiriw ma, u ka baara ke ni sebe ni tilennenya ye. U ka mogogenamaw sugandi u ni minnu be se ka baara ke nogon fe, bawo tile sera kunce, fosi ma ke, wa wajibi don malidenw sago ka ke u ye ten sa.

Peresidan tilalen, minisirijemogo ye kuma ta a tow togo la, ka foli ni walenumandou ke ATT ye. A ko, ko jamana ye u bila minen min kono ni Ala sonn'a ma, u bena o fa. Waati ka gelen, o ye tijne ye, nka a jigi ye Mali demebagawye, a jigi ye a ka minisiriw ye, ka baara ke malidenw sago la, ben ni lafiya kono.

Alayi Lamu  
Mahamadu Konta

## Minisirijemogo



Sibiridon san 2002 okutoburukalo tile 12, minisirijemogo Mohammedi Agi Hamani y'a n'a ka minisiriw ka baarabilasebendijamanajemogoma. Jamanajemogo sonna. O nogonye in senfe jamanajemogo ye minisirijemogo n'a ka minisiriw bee fu ka baara numan na.

Peresidan Amadou Tumani Ture y'a ka nisondiya jira goferenaman ka baaraw kecogo numan na. Ay'a nin'u fe k'u k'u bolokroba raw ke sanni goferenaman kura ka sigi.

Sagan damado o kofe peresidan ye seben do boka Mohammedi Agi Hamani sigin a no na minisirijemogoya la.

# Mali goferenaman kura

1. Kéneyakow minisiri
- Madamu Keyita Orokiyat Njayi
2. Söroko ni nafoloko minisiri
- Basari Ture
3. Bololabaara ni turisimu minisiri
- Ba Njayi
4. Goferenama ka yorow, dugukolokow ani dukow minisiri
- Bubakari Sidiki Ture
5. Izinikow ni jagokow minisiri
- Sogeli Kokala Mayiga
6. Sene, baganmara ani monikow minisiri
- Seyidu Tarawele
7. Kalankow minisiri
- Mamadu Lamini Tarawele
8. Minenkow ni Taransiporikow minisiri
- Usumani Isufi Mayiga
9. Kokankow minisiri
- Lasana Tarawele**
10. Lakana ni sörödasikorow minisiri
- Mahamani Kalili Mayiga
11. Konokow ni sigidaw minisiri
- Zenerali Kafuguna Kone
12. Dugujukorofenw, kurankow ani jikow minisiri
- Hamedji Jani Semega
13. Sigida lamini kojew minisiri
- Nankuma Keyita
14. Konona basigili ni jamanadenw lakanani minisiri
- Koloñeli Suleymani Sidibe
- 15 - Kunnafo ni kunnañidimansin kuraw minisiri
- Gawusu Darabo
16. Hadamadenya yiriwali, njogondemé ni mögököröbaw ladonni minisiri
- Madamu Njayi Fatumata Kulubali
17. Baarakelaw ka minisiri

- Modibo Jakite
18. Muso den ani denbaya yiriwali minisiri
- Madamu Berete Ayisata Bengali
19. Donkow minisiri
- Seki Umaru Sisoko
20. Sariyakow minisiri
- Abudulayi Gariba Tapo
21. Denmisénw ni farikoloñenajekow minisiri
- Jibirili Tangara
22. Minisiri min faralen don minisirijemogo kan ka jesin fanga labenni ma.
- Badi Ulidi Ganfudi
23. Minisiri min faralen don minisirijemogo kan ka jesin baaraw boloda feerew jenaboli ma.
- Marimantiya Jara
24. Minisiri min faralen don sene, baganmara ani moniko minisiri kan ka jesin baloko sabatili ma.
- Ibarahima Umaru Ture
25. Minisiri min faralen don söroko ni nafoloko minisiri kan ka jesin musakakow ni kenyereyew ma.
- Usumani Camu
26. Minisiri min faralen don kokankow minisiri kan ka jesin kókan malidenw ni Afiriki jamanaw kalali ma njogon na
- Umaru Hamadunni Diko
27. Minisiri min faralen don minenkow ni taransiporikow minisiri kan ka jesin taransiporikow ma
- Usumani Amiyon Gindo
28. Minisiri min faralen don baarakow minisiri kan ka jesin baara ni baarakalan ma.
- Daramani Hayidara

## Goferenama minisiri kuraw



Madamu Keyita Orokiyat Njayi jatemine na, aleye goferenaman mogo filananye. Mogolakodonnendonsabu a kera jamanajemogo ka baarakeyoro jemogo ye (san 1992-1994) ani jamanajemogo ka laadilibaga kerengerennen (san 1994-1996).

Madamu Keyita bangera Bamako san 1938. A ye kalan damine Kayi musomaninw ka lakoli la (san 1945-1950). A ye kalan do ke Bamako musomaninw ka lakoli la. A ye cemancelakoli ke Terason di Fuzeri la (Lise Asikiya Mohammedi). A ye sannakalanw ke Pari Faransi. A ye lakolikaramogoya ke sannalakoliw la n'olu ye «ENA» ni ENISIPU» ye. Aye dije seleke naani baloko tonba «FAO» ka baara do ke Gana. A ye gafe daw bo. A furulen don; musomanin fila b'a bolo ani moden saba. Gafekalan ka d'a ye ani taama (wayasi) ni yaala. Ale ye kenyakow

ne 4

minisiri ye.



Nankoma Keyita

Abangera san 1945 Narena Kangaba serikili la. Sigidaw kojew minisiri y'a ka dugumakalan ke yen. A ye cemancekalan ke Lise Asikiya Mohamedi la. A ye sannakalanw ke Dakaro ani Sofiya. Aye kalan dōw ke Siwisi, Faransi ani Maroku. Senegali ba dondalaliko «OMVS» mogo faamuyalen don. San 1996 laban na a kera Ofisi di Nizeri nemogoba ye. A furulen don; den 8 b'a bolo.



Gawusu Darabo

Kabini Mali y'a yereña nin y'a siñe folo kunnafonidila ka ke kunnafonikow minisiri ye.

Gawusu Darabo bangera Sayigón (Wiyetinamu) san 1950 mekalo tile 26. A y'a ka dugumakalan ke Kati. A ye cemancekalan ke Lise Asikiya Mohamedi la. A ye sannakalanw ke Irisijamana kan. A ni kunnafonidi dipulomu donna Lesori la san 1974. A kera «AMAPU» nemogoba dankan ye san 1989 - 1990.

A kera «AMAPU» nemogoba ye san 1990 zuluyekalo la.

A ye baara caman werew ke. A ye gafe dō bo.

A furulen don; den saba b'a bolo, sinema ka d'a ye ani gafekalan ni farikolojenaje.



furulen don.



Madamu Berete Ayisata Bengali.

Ale y'a to ninini bolo kan ka don politiki la.. Muso, den ani denbaya yiriwali minisiritunye nininikela ye «IEER» la.

Ale de ye bisiki «deliken» dilan ni kenige ye. Abangera san 1957 mekalo tile 20. A y'a ka dugumalakoli ke kerecenw bolo Kucala. A ye cemancekalanw ke Nöturu damu di Nizeri la. A ye sannakalanw ke «ENISIPU» la ani lamerikenjamana la. A ka baara fanba kera ninini ye kenige kan. Politiki sira kan «UDD» musow ka nemogodon. A furulen don den saba b'a bolo; gafekalan ka d'a ye.




Modibo Jakite

Baarakow minisiri kura bangera san 1952 Nono. A ye dugumalakoli ke Segu. A ye cemance kalanw ke Badalabugu Lise la. A ye sannakalanw ke «ENISIPU» la ani Alimajamana kan.

Modibo Jakite ye san 16 ke ka Lise kalandenw kalan. Aye cemancefanga «CTESIP» ke. A ye gafe dōw bo. A

### Metiri Abudulayi Garaba Tapo

Sariyakow minisiri kura bangera Moti san 1954. A ye dugumalakoli ke yen. A ye cemancekalanw ke Asikiya la. A ye sannalakoliw ke Faransi ka sariyakow dipulamu sor. A ye baara ke Dakaro ni Nam. A ye «ENA» kalan, ka laban ka lafasabagaya ke n'o ye awokaya ye. Politiki sira kan «ERID» peresidandon. Afurulendon; den duuru b'a bolo, gafekalan ka d'a ye ani farikolojenaje.



### Badi Uludi Ganfudi


Minisiri min faralen don minisirijemogo kan ka nesin fanga labenni ma, Badi Uludi Ganfudi be forobabaaraw don kosebe.

Abangera Tonbukutusan 1949. A ya ka dugumalakoli ke yen. A ye cemancekalanw ke Asikiya la. A ye sannakalanw ke «ENA» la. Aye Kayi mara nemogoya ke. A furulen don, den 13 b'a bolo. Farikolojenaje ka d'a ye ani sekow ni donkow ani nogolonto.

### Marimantiya Jara

Minisiri min faralen don minisirijemogokanka nesinferekow


ma bangera san 1945 Juman, Jema serikili la, Kayi mara la. A ya ka dugumakalanw ke Jema. A ye cemancekalanw ke Badalabugulakoli la. A ye sannakalanw ke «ENISIPU» la, ani Faransi. «FAO» ka mogfaamuyalen don. A furulen don, den saba b'a bolo. Gafekalan ka d'a ye ani yaala.



### Umaru Ibarahima TURE

Minisiri min faralen don sen, bagamara ani monike minisiri kan ka nesin dunkafa sabatili ma. Abangera san 1957 zuluyekalo tile 17, Gundamu. A ya ka dugumalakoli ke

yen. A ye cemancekalanw ke Tumutu lise la. Aye sannalakoli ke «ENISIPU» la. Politikiko siratige la «ADEMA» mogo don. A furulen don; den naani b'a bolo. Gafekalan ka d'a ye ani taama ani farikolojenaje.



### Usumani Camu

Minisiri min faralen don sor ni nafololow minisiri kan ka nesin musakakow ni kenyereye ma. A bangera san 1957 awirikalo tile 6 Moti. Aya ka dugumakalanw ke Moti. A ye cemancekalanw ke Badalabugu Lise la. A ye sannakalanw ke Faransi. A ye lakolikaramogoya ke Faransi. A ye baara ke faso ka banki «BDEMU» la. Ale tun ye jamana nemogoya ka laadilibaga kerkenkerennen ye. A furulen don den saba b'a bolo. Ntolatan ka d'a ye ani gafekalan ni simena.

### Umaru Hamadunni Diko


Minisiri min faralen don kokankow minisiri kan ka nesin kokanmalidenw ma ani farafinjamanaw kalali ma noggona. Abangera Jona, Duwansa serikili la san 1954 mekalo tile 24. A

ne 6

ne 5



y'a ka dugumalakoli ke Pari, Faransi. A ye cemancekalanw ke Marakala ani Pôrösipéri Kamara la. A ye sannalakoli ke Abijan ni Kanada. Aye «ENA» kalan ke. Politikiko siratigë la «Pésipe» njemogo don. Gafekalan ka d'a ye, ani noni.



## Usumani Amiyon Gindo

Ale ye minisiri ye min faralen don minenkow ni taransiporikow minisiri

kan ka njesin taransiporikow ma. A bangera Kasa, Koro serikili la san 1958 okutoburukalo tile 15. A ye dugumakalanw ke san. A ye cemancekalan ke Segu Lise la, a ye sannakalanw ke Katibugu «IPERI» la. A ye baara ke semudete la. A furulen don, den duuru b'a bolo. Ntolatan ni petankori ka d'a ye.




## Sogeli Kokala Mayiga

Ale ye izinikow ni jagokow minisiri ye. Abangera san 1958 Talango Ansongo serikili la. A y'a ka dugumakalanw ke Talango ni Bara. A y'a ka cemancekalan ke Bamako Lise tekini la. A y'a ka sannakalanw ke Irisi la. A ye baara ke Sotelima la. A furulen don; den 7 b'a bolo. «EMUPERI» pereisdan don.

## Séki Umara Sisoko


Politikiton «Sadi» njemogo don. A si ye san 57 ye. A y'a ka sannakalanw ke Faransi. A kera sinemabolaw ka njemogoye. Sekow ni döñkow minisiri kura y'a ye. A ye «Nijugu Ginba» ani

filimu cama wêrew bo. A furulen don, den fila b'a bolo.



## Basari Ture

Ale ye soroko ni nafoloko minisiri ye. A ka dugumakalanw ni cemancekalanw ke Senegali. A ye sannakalanw ke Faransi. A kera soroko ni nafoloko minisiri ye cemancefanga la. A furulen don; den fila b'a bolo. Kalanjé ka d'a ye.



## An k'an kōlōsi pōsoni na

Mali ye jamana ye min baarakela fanba ye sēnekēlaw, baganmaralaw ani mōnikēlaw ye. Kōlōsili, la dumunifēnfanba bē bōforowninakōw kōno. Maakōrbaw ka jēfōli la, sisan banaw ka ca ka temen fōlo taw kan. Nka, an yēre ye bana caman sababu ye. Koorisēne bē ka yiriwa Mali kōno; mōgo caman bē sōrōba k'a la. Nk'a nana ni fen dō ye min te kojuman ye. Tubabunōgōw, pōsoni, ni dōw k'a ma bagaji, ninnu bē di koorisēnelaw ma. Nin fen ninnu bē d'u ma walasa u ka koori caman sōrō. Pōsoni bē ke ka koori furake, k'a kisi tijeniferēn wēre. Pōsoni bē ke ka fen caman wēre ke minnu ni koori furakeli te kelen ye. Ka d'a kan a bē feere sugu la sisan i n'a fo tigatulu bē feere tobilikēlaw ma cogo min na. O de la sisan, nakōsenelaw taamajōgōn kera pōsoni ye. Nakōsenelaw bē nakōkōnōfēnfurake n'a ye k'a damin'u turutuma la fo ka na s'u kōgotuma ma.

Kana fosi te pōsoni kan Mali kōno bi - bi in na. Nakō bē sēne yōrō o yōrō la i mana don osuguw la, i b'a feereta ye. Misali la tomati, nkōyo, gan; i b'a sōrō feere bē senna, furakeli bē senna. Nin fen ninnu feereli ye dōgōkun ni dōgōkun, tile saba ni tile saba, walima tile 15 ni tile 15; o n'a nōgōnnaw. Pōsoni kasara ka ca kojugu. Don o don dō bē far'a kasara kan. Sisan sēnēfēn, nakōkōnōfēn dundala ni fōlo ta te kelen ye; u te se ka mara ka mēen hali dōonin.

Nakōsenē temenen kō, pōsoni bē ke ka ko caman wēre ke sisan. Jigine labēn na, mōgo caman bē pōsoni ke jigine jōyōrō la an'a kōnōna na. Hal'a bē ke tigamarayōrō la. Min ye sumansiw ye, olu ka jugu n'a bē ye. Samiyē mana se, ni sumansi to tora, mōgōw b'o dun. Mōgo bē se k'a fo ko sisan mōgo te siran posoni je. A ka mōgōfaga ka ca ka d'a maracogo kan. A fōlen don koorisēnelaw ye ko n'i bē furakeli ke i k'i farikolo datugu k'o hali fini minnu bē don ka furakeli ke olu man kan ka don ka baara wēre

ke. N'a fōra ko pōsoni juguba bē ke ka nakō kōnōfēn furake, tile dannado k'olu dun. Pōsoni bidōn kōrōw bē ke ka bara caman ke, i n'a fo jiminbidōn, kōkō-maralan, tigatulumaralan. Nb'a jini n balima koorisēnelaw fē, u ka kooriforo ni furaji min ka kan, u ka dan o ma. Ni minnu te s'a ma olu kan'a mine. U kan'a mine k'a feere jagokēlaw ma. Fen don min man kan ka feere suguw la. Ka d'a kan mōgo caman t'a dōn a bē se ka kasaara ke ka dan hake min na. Baarada minnu jēsinnen don kooriko ma (sēmudete ni OHVN) fōlu ka feere siri pōsoniko in na; pōsoni ka kōlōsi, a kana feere suguw la i ko marabatiga.

Dirisa Bakari Jara  
Balikukalankaramōgō  
Diyo - Buwatubugu Kati.

## Sēnekēlaw ka sēndikako

Nin ye kuma ye ka jēsin jamana jēmōgōw ma ani sēndikā jēmōgōw minnube Sikōwu kōno. U k'a lajēsa ka Sikōwu jēmōgōw bē falen jamana koorisēne faabaw kōno; bawu, u nafa dōgōyara anw cikēlaw bolo kōsebe. Kabini sēnekēlaw ka sēndika sigira n'u k'a ma ko Sikōwu, a bē jini ka san tan ni kō bō bi, sēnekēlaw ma se ka wasa sōrō u ka baarakēcogo la. Tōn in fisifasalen don koorisēnedugu misēnw kōno kōsebe k'a sababu ke tōn yēre ka baarakēcogo ye.

Ne b'a jini jamana jēmōgōw fē, u k'u sen don biro in jēmōgōw falenni na sariya kōnōna la, n'o te, a kera baara ye sa de.

Bēre t'a je anw k'a fo ko Bila mara Sikōwu sara. Bawu hali n'a kera jēnēmaya la Bila mara dugu misēnw kōni te. Billa min ye faaba ye jēmōgō kelen te yen. Bē kōni b'a dōn ko baton kelen jalatigēla fila k'o baton taasirako bē gelya. Ne b'a jini Bila faamaw, sēne yiriwali jēmōgōw (sēmudete) ani depitew fē, u k'a lajē ka jēnīni Bila mara Sikōwu jēmōgōko la. Tōn kelen te se ka taama ni jēmōgō fila ye. Bila mara sikōwu jēmōgō bē lajēlen ka kan ka falen faaba kōno ani

dugumisēnw kōno.

Musa Kulubali  
Tigina, Falo Bila Komini na.

## Gelyaya fila b'anw kan

Gelyaya fila b'anw kan. O gelyaya fōlo ye sirako ye. Ka bō Npijēnina ka taa Bila o ye kilometērē 20 ye; a sira man ji hali dōonin. Ni samiyē sera kōdō bē sira in kan, n'o fara ji la, a tige man di. Wa negeso ni moto ni wotoro si te se k'a tige. Anw dun ka fēnw bē bē san Bila. Gelyaya filanan ye kolonjiko ye. An ka kolonw bē ja hali samiyē tuma fē; u bē ja kōsebe. Wa ni tilema sera o ye makariko ye; bawo mōgōw te ji sōrō, kuma te baganw ma.

Adama Tangara  
Npijēnina Sokurala,  
Cemena Komini Bila.

## Anw ka samiyē ka fissa

Jinan samiyē gelyaya kōsebe anw fē yan f'a kera mōgo caman jēna ko samiyē banna; bawo zuwenkalo min ye samiyē kalo fōlo ye, sanji ye nako saba doron de k'o la. A si ma ke jiba ye; u ni jōgon ce tun ka jan kōsebe. Nin bē kōfē samiyē tilara ka jēmōgōw bolo. Furancēn dō kēr'a la sanjiko tun gelyaya doonin nka Ala barika la taratadon setanburukalo tile 24 sanjiba dō nana; o bēnna milimetērē 54 ma; nk'o y'a sōrō ja ye tijenikē yōrō dōw la ka ban. Nk'a fanga ma bonya kōsebe. N'Ala sōnna ni ji labanna samiyē bē fisaya. Baloko siratige la jō ma gelyaya jinan ka salon bō bawo jō kilo kelen ma tēmē dōrōme 35 kan jinan. Salon jō kilo kelen sera dōrōme 40 ma. Kaba tigera, kōri, jō ni tiga bē ka ni.

Sirima Kulubali  
Filadugu Mōrōmōrō Kita

## Banabaato ka kan ka taa dōgōtōrōso la joona

Ne ye ko kelen kōlōsi Kita mara la. Bana mana duguden min mine, o te taa dōgōtōrōso la joona, fo ni bana juguyara; u bē sōrō k'o ta ka taa dōgōtōrōso la. Dōw yēre bē sa sira fē. Ni dōw sera dōgōtōrōso la, u lajetō bē sa. Ne hakili la n'i banana, i ka wuli joona ka taa dōgōtōrōso la, o de ka fisa. Bamananw ko bolitumadōn ka fisa nsenkadi ye.

Banba Jara Sanuku Tukoto Kita

## Sanfiñeba

Nténendón san 2002 zuwéenkalo tile 3, négé ne naani témennni ni sanga mugan ye, sanfiñeba belebele dō bora kóron fe k'i kunda tilebin kan. Aa ! sanfiñeba intunkabon sa. Wa góngonba tun b'a kóro, ka tila ka dibi don. Hali mógo tun b'e se k'i bolo kuru soribugu dugu kóno, i tun t'a ye, Ala ni sandibi bonyakojuju fe.

Sánfiñeba in ye mógo siran kosebè; a ye mógo dōw soro kungo kóno, a kera sababu ye denmisennin dō tununa kungo kóno; a yera k'a soro fosi m'a soro. An b'e Ala deli, a ka fama nin nógón sanfiñeba ma.

Basiru Kulubali  
Sanankó, Ncibaso Komini Kati

## Jamana ka sanyelémaseli nénajew

Mali ka yéreta san 42nan kéra nógón nisondiyakoba ye ninan, k'a sababu ke setanburukalo tile 22 don. Dogofiri komini dugu 22 dugutigiw ni cakedanémogó b'ee ye nógón soro komini jabala la, Bagadaji kura, négé ne 8 témennni ni sanga bi saba ye. Dogofiri komini piyoniyew ye Mali jónjón yelen. O kelen, Kalifa Kulubali n'o ye komini némogó ye, o ye foli ke nabagaw ye. O kofé Dénba Sangare n'o ye zafu némogó ye, balikukan tógo la, o y'a dadon donba in selikun na Malik kóno. Otilalen kuma na, kaban kura balikukanlaramogó Adama Dawu ye poyi duman kelen kalan jama ye.

O kofé Dénba Sangare fana ye poyi dumandókalanka jesin Sori Kulubali ma. O témennni kókaramogó Barima Jara, ka bo Surukutu, o fana ye poyi fila kalan. Kelen jesinnen tun don sénéke ma; kelen jesinnen tun don dugutigiw ni Kominiw ma.

O kelen, kéné tora dossow bolo ani komini jaraw. Sasa Tangara ka bo farabugu. Biñema Tangara, ka bo Dengala; Kafara Balola Bintu Balo, ka bo kaban kura. An tor'o cogo la fo négé ne 13 témennni ni sanga bi

saba ye. An ye dugawu ke nógón ye.  
Ibarahima Jara  
Surukutu Dogofiri.

## Nininkali Jaabi

Ne b'a fs k'a dōn ntolatana minnu b'e jamana kókan an'u b'e jamana minnu na; bawu anw minnu b'e Kibaruseben san k'a kalan mógo dōw b'an lagosi o la. O kóson, ko caman b'e yen, a ka d'an ye k'o caman ye kibaruseben kóno, k'olu lakali an ka faamuya kóno.

Mamutu Koyita

Balikukan karamogó Komine,  
Faraku-Manso Komini, Segu

Maliden kókan Ntolatannaw file:

- 1) Sumayila Kulubali : Efuse firibirigi Alimanjamana
- 2) Bubakari Jara Bekenni : Efuse Firibirigi Alimanjamana
- 3) Seki Umaru Dabo : Korejamana
- 4) Seki Tijani Dawo : Siniwajamana
- 5) Basala Ture : Aritinayiko, Géresi
- 6) Mahamadu Sidibe : Aritinayiko, Géresijamana
- 7) Yaya Mamadu Disa
- 8) Karamoko Keyita (GK) : Angilejamana
- 9) Amadi Sidibe Silengan Angilejamana
- 10) Tumani Njai : Kulobu Sifariyen Tenizi
- 11) Ibarahima Kone Aba Zandariki Senegali
- 12) Amara Dukure GK Nizeriya
- 13) Hame Jalo GK Afirika Esipori Kódiwari
- 14) Bubakari S Hayidara Kalapo Kamali di Siyezi, Ezipiti (Misirajamana).
- 15) Usimani Jawara GK Maroku
- 16) Mahamadu Disa Gerenobulu Faransi
- 17) Dawudi Kulubali Satoru Faransi
- 18) Jibuli Sidibe Satoru Faransi
- 19) Daramani Kulubali Sifo Cawali Faransi
- 20) Sediriki Kante Walansi Faransi
- 21) Wénsan Dukance Kereteyi Faransi
- 22) Ibarahima Camu Isiteresi Faransi
- 23) Bubakari Gindo Walasi Faransi
- 24) Fuseni Jawara Sëntetiyenni Faransi
- 25) Sanba Jawara Cuban Keriso Faransi
- 26) Koli Kante Coriyan Faransi
- 27) Mohamedji Jakite Kayen Faransi

- 28) Seku Kulubali Coriyan Faransi
- 29) Dirisa Jara Leke Itali
- 30) Abudulayi Kamara Bako Udinese (Itali)
- 31) Sami Tarawele Nisi Faransi
- 32) Seku Berete Töröyi Faransi
- 33) mamadu Bagayoko Sitarasiburugi Faransi
- 34) Mahamadu Jara Jila Liyon Faransi
- 35) Adama Kulubali Polisi Lansi Faransi
- 36) Seyidu Keyita Lansi Faransi
- 37) Nuhun Kone Angulemu Faransi
- 38) Seku Sangare Faransi
- 39) Bubakari Keyita (GK) Faransi

## Samiyéko

Ne nisongoyalen b'e nin bataki ci «Kibaru» ma. Nian san 2002 samiyé ma ne anw fe kónabalabugu la yan. Sabu samiyé ma don a donwaati la. Tinéni caman kéra yan. A fólo, solo y'an ka kóori denw b'ee tige. Filanan sanji ma na ka kaba labo. Kaba burubilen boto jara, k'ukari ka bin foro kóno. An ka kabaforow b'e t'u jo tari 30 la; nka hake min ye ton ta, o te temen tari 15 kan.

Fen min jiginn'aw kóno, ka denmisew b'ee labila u ka taa jamana kóno; min mana se k'i kun don yoro min na o n'a kun don yen. Suman min file ka di yan, o ye sañó ni suna ye. An b'e Ala deli u ka se ka kise don.

Binaa Kumare  
Munana Kónbalabugu

## Anw ka samiyéko

Tigina samiyéko kéra kónoganko dan ye. K'a ta samiyé yére damipe na anw fe yan n'o ye zuwéenkalo tile 25 ye, fo ka n'a bila setanburukalo tile 15 la, sanji nénama fila de soro, olu nana utikalo la; a fila jélen bennna milimètre 83 ma. K'a t'o utikalo la fo setanburukalo tilance sanji minnu nana, olu ma temen milimètre 5 kan. Wa u ni nögoncé tun bi tile 15 bō dōw ma caya; dōw kéra fiñekolon dörön ye. Anw senbora kabakola; kuma te kóori ma; olu n'u nögón b'ee tinéna ja ni ntumu fe. Kóori ntumuko temenna fo k'a ke kónoganko ye. Anw ye utikalo b'ee ke danni na; o suman ow ma temen sise kundama kan, kuma te kónoko ma. Minnu sera kónonadon ye, olu b'e jara.

Musa Kulubali Tigina  
Falo komini Bila

# Bamako motonsonw

Polosiw ka njini senfe, a yera k'a fo ko nsonw b'e yen, minnu b'e don sudonjama na; n'u sera kaburudo la, u b'e soro ka sonyali ke. Nin ye kokura ye motosonyaliko la. N'o te cogoya naani de tun b'e yen nsow tun b'e minnu ke ka moto sonya. Onsonw na Bamako dubakonoden d'ow b'u la. Nsonw be moto sonya kaburudow la, misiriw koro, forobabaara yorow la ani dugu dafelaw la. Nson minnu dagalen don Bamako Komini l'kono, san fila laban temenenw, olu ye moto minnu sonya, obesemototanma; udagayoro ni m'obilw ka depo yoro man jan. U nemogo b'e yen tuma b'es; ni t'ow ye sonyali ke u b'a soro yen; a ka mog'o b'e se mog'o tan ni duuru ma. A jeda b'es tiyenen don muru fe; a te fa dulo la. Nk'o na t'a b'es a ka mog'o sonnen d'a ye.

A t'ognon d'o be bololabaarakelaw ka soba yoro la; o fana bora Bamako duba d'kono; d'ow yere ko k'a fa ye alimami ye. Ale be fen sonyalenw nini k'olu san; a togo ye ko Samu. Ale ye kulu nemogo ye min lakodonnen te polosiw fe, nka a ka mog'o ka ca. Samu ka mog'o te dan malosoje ma : U be sobon fana ke «finman ka ni bilenman man ni».

Dow'y'a jira ko Samu n'a ka jama ye ce do ka miliyon kem'e caman sonya «pilasi di Suweniri» la. Samu togo te fo sabu a lamini b'es b'e siran a ne. O ye wajibi ye. A ye zido ke n'a te mog'o min don a te kum'o tigi fe; a ka bona ka jan; mog'o caman b'a bolo.

Forobabaarakelaw ka gurupu mogow minne man di k'a sababu k'u cogoyaw n'u ka fini dontaw ye. U b'u yere ke kalandenw ni jagokelamisenw ye forobabaarayoro la. Nemogo te ninnu na; nk'u be to ka je ka tijeni ke njogon fe; i n'a fo u ye min ke esitadi 26 marisi dayeledon; u ye motojeyoro do laben ka moto bi saba njogonna sonya; o kera okutoburukalo la san 2001.

A mog'o do, Mohamed kuma «Maha», minena Mekalo tile 3 kunnafonikow minisiriso la. A be mine tuma min na, kile saba tun b'a bolo minnu be moto caman dayeles; a y'o kile de ke ka Yahama 100 do dayeles kantini yoro.

Ia. Tuma min na Maha y'a laben ka be bo ni moto ye a minena minisiriso baarakelaw fe k'a di polisiw ma. Kulu minnu b'e Bamako dafelaw la, olu ka jugun'a tobee yesabumaramafenw b'olu bolo i n'a fo muru ni gaziw ni marifaw. Ni mototigi min ma son k'a ka moto di, u be maramafenw b'o tigi kanma. Udagayoro ye Namakoro ye; u ka kuntigi t'ogo ye Cikenni. Cikenni ye waye de ye; nka polisiw ka fo la, a y'o baara bila a meennna. Marisikalo temenen, Cikenni n'a ka mogow binn'a nimogo ke kan k'o ka moto min'a la. Tuma min na a k'romuso nana polisi la, kan'a soro k'a d'ogok'e n'a ka mogow tun ye jan d'a ce ne, k'u b'a faga, k'romuso kasira. D'ow y'a jira k'a ni polisi d'ow be je la. B'es b'a kalama k'a be polisi d'ow ka denkundi wari, ni furuw musakaw bo. Kuma te tesongo ni motodilansaraw ma. N'a minena, a te meen polisi la. Polisi d'or'on te nsonw k'losi. Minnu b'u bolofenw san n'olu ye jagokelaw ye, olu fana b'a la. Nsonkulu min d'onnens don, n'u be ye, o dagayoro be «IRI Pacanga» la Bagadaji.

O ka jekulu la, mog'o saba be bo du kelen kono; u ni d'ow be baara ke njogon fe minnu b'e taa moto sonyalenw feere

Lagine. O mog'o b'es lakodonnen don polisiw fe, wa uye kasoke siye caman. Ni mog'o kelen minena tow b'a ke cogo b'e la k'o labo kasoo la. Polisiso 9 an nemogo y'a jira ko n'u minena, u te degun kasoo la, wa u te meen fana, k'olu dan y'u mineli ye.

Dibida sonyalijekulu nemogo ya be Idirisi bolo. Moto sonyelenw wari kera sababu ye a ka magasan saba fa minenw na. Dakabana mobili do b'a bolo ani wila saba. A yesijne caman ke kasoo la. N'a donna d'or'on, a be bo. Polisiso 9nan nemogo y'a jira k'a ma deli ka d'ogokun fila ke kasoo la. Sojelikew b'a bolo Medina-kura sugu la, minnu b'e pentiri koro wuli k'a nonabila ni kura ye min ni k'rolen te kelenye. N'oluy'uka baara ke mototigi t'a ka moto don tugun. SONYALIJKULU nemogow la, Bakojikoroni dasima de ye mog'o kabakoma ye.

Tuma b'es k'losi b'a bolo wa a t'a teg'e di muso ma. N'i y'a ye i te se k'a don ka be son nin wale jugu in ma. Moto fen o fen be sonya Badalabugu Lise, ba kininfela la, o b'es be teme a ka so fe, wala a ka baarakeda.

Nka sann'u ka se «dasima» fe yen, u be teme Sogoniko so do fe. O yorotigi ye seguka ye; sunkurunba te, nka nsonw ka mog'o don.

Solomani Bobo Tunkara  
Badama Dukure

## Senegali bato Joola kasaroko

Mog'o ba fila ni k'o tora bato Joola kasara la. Mog'o 400 su yera, mog'o 600 ni k'o tununna. Mog'o hake min kisira o ye 64 ye. Bato falen tun don fok'a damatene. Atun ka kankaka mog'o hake min ta o ye mog'o 500 walima mog'o 800 ye. Senegali goferenaman y'a jira ko mog'o 1.034 tun b'a kono. Taamana 707 donna Zigenori, bato in wuliyoro la. U selen Karabari mog'o 185 donna, ka fara batobaarakela 52 kan. Nka mog'o si te se ka hake kelen fo bato kono mog'o la sabu mogow dona ka soro biye t'u bolo. O temenen k'o, denyeren ni demissen minnu si te san 8 bo, olu fana te biye ta wa olu da ma don.

Taamana ninnu fanba tun ye senegalikawye. Dunanw tun ka ca ni mog'o bi naani ye minnu bora jamana

tan njogon na. Bisawogineka ye mog'o 20 ye; Faransika mog'o tan, Esipanjika mog'o 3, Belizikika mog'o 2, Nizerika mog'o 2, Libanka mog'o kelen, Burukinabe mog'o kelen.

Peresidan Abudulayi Wadi ko goferenaman no b'a la sabu filiw cayara. Siga te min na, o ye ko bato Joola tun daminen do kojugu, wa a y'a taasira bila a be san tan bo. O be kofe, a ye san kelen ke dilaliyoro la sann'a ka baara damine, k'san in na. Kasarabagatow somogow ye Senegali goferenaman wele bogojininen kan, o kera Arabadon okutoburukalo tile 22 san 2002.

Senegalikaw ka batoba in, «Joola», tun be baara ke u ka jikansorodasiw ka yamaruya kono.

Badama Dukure

# Musow ye Tumutu kisi cencenkulu törc ma

«Iddaya» (Lafiya körbörök na), o ye Tumutu musow ka jekulu dō ye. Jekulu in nicencenfu kunbenni porozé jera k'u bolo di nogon ma, ka feerew tige Tumutu kana dun cencen fe. Musojekulu in nemogba ka fo la, Zeyinabu Yatara, Poroze be na don min na Tumutu, o y'a soro olu be nakosene na. Poroze dijena n'a ye u ka ji bo u ka kolan na k'u ka nakoson. Walenumandon koson musow benn'a kan, k'u jo ni porozé ka jiri turulen 500 sonni ye Fufalaki.

Poroze nemogba y'a jira, Nariga Keyita, ko siga si t'a la, musow ka nin waleya in kera sababu ye, porozé ka baaraw ka sabati Tumutu kono. A y'a jira, ko ben tun kera jiriw turuli kan porozé fe, nka u bëna son cogo min, o feere bee tun ma soro fölo. Nka Ala ni musow ka deme, o sanbatira. A y'a jira ko Tumutu kono, cew soro man di jirison na k'a sababu ke jago ye. U be son jirituru ma, nka, n'a fora ka jiriw son don o don, kalo saba kono, keyitake ka fo la, cew soro man di ola. Bi-bi in na, ka fara «Iddaya» kan, musojekulu 73 ni porozé tege be nogon bolo ka jiriw ladon, ka cencen kunben. Musow sara ye min ye porozé fe, o ye ka nakosene yorow laben ka d'u ma; k'u deme u ka nafa soro o baaraw la. O de koson, ninan, musow ye koniteri kilo 4.100 soro, ka jaba kili 1.500 soro ani tamati kilo 3.500. Keyitake y'a jira, ko musow ka se ka fen kene soro cencenfu kan, o ye koba ye, wa u ni foli ka kan.

Cencenfu kunbenni porozé sigira sen kan san 1995 Tumutu, Mali goferenaman ni FEDI fe (o ye Eropukaw ka demeden tonba do ye nafoloko la, yiriwali sira kan). Poroze in lajniye, ka jirituw ke ka Tumutu lamini, yaasa cencenfu kana a dun. «San 1992, cikeduguw yiriwali Minisiriso y'a jira, fesefeseliw senfe, ko sanni san 20 cè, ni feerew ma tige, cencenfu bëna Tumutu dun». Poroze baara kufolowbanna san 1999 laban na, miliyon 385 donna o dafe. Baara

kunfilanan be senna sisan, o nafolo ka kan ka ben sefa wari miliyon naani ma.

Nariga Keyita y'a jira, k'u ka baara kufolokera cencenkulu mineliye yoro kelen, fiye kana se k'a yereké fan bee. U ye jiribolow tige, k'u turu - turu nogon kerefe, ka ke jasanin karelamanw ye cencenfu sanfe. O b'a to ni cencenkulu te bo a no na. Kalo kelen o kofe, jiri jalan minnu turu - turula, u y'olu falen ni karamukaramusunw ye, o ye bagasunw bebalokonumancencenfu kan, ka ke sababu ye k'a yelema ka ke dugukolo numan ye. O baara in bannen san kelen o kofe, u ye matilatonninjirinin turu. O ye cencenkulu minenen ye. Isa Tarawele ka fo la, porozé ye

matilatonnijirinin turu, barisa o jiri ninnu kolo ka gelén. OSITARALI jamana kan, matilatonnijirinin kera sababu ye, ka cencenfu minfe, k'a yelema ka ke dugukolo numan ye. O kofe, jirisun min don, a mana balo ka kalo saba ke, a magoteji la bilen; a be balo a yere ma ten, hali n'a ma ji soro. O mana boyen, a be ke sababu ye, ka dogo caman lase mogow ma n'a bonyara. Nin bee de y'a to ni porozé ye matilatonninjirinin sugandi cencenfu keleli kama.

Fölo Tumutu tun be wele Waliyu 333 ka dugu : Dijen kono, a jatelen don dönni bondabaw fe, UNESCO fe. Arabu, burudamew, körbörök fila ni bamanan, beejelendon sigila Tumutu kono, here ni baden na. San o san, Yorofilelaw be bo dijen fan tan ni naani kono, ka na Tumutu laje. Gundo caman be Tumutu (u ka fo la, su o su, jine dafejetigi do be bo ka yaala dugutilalen ka yorow kolosi).

Bi, Ala ni porozé sababu, dugu lamini yorow caman kera jiri ye. Feere caman tigera, walasa o jiri ninnu kana sa. Nariga Keyita ka fo la, ka miliyari caman don jirituru dafe, ka tila k'i sigi k'i bolo fila da i sen kan, o jiriw bee ka sa, k'o kuma koni t'a la. Walasa a ko

kana ke jigitigé ye, u bëna jiritu ninnu kalifa kungojiriw dönbaga jönjn döwla, minnu tilala u ka kalan na, nka u ma baara soro fölo. «Jateminew y'a jira ko mögo be se ka balo, ka nafa soro jiritu ninnu dögow feereli la. Mögo döwy'ukanboka ban, obaarawkama. Tumutu méri y'a jira, k'a bëna dö bë dögö saalen na, san damadö kono. O kofe, a ko k'a bëna sojodugukolo di fu, jirituw kolosibagaw ma. Jirituw kolosibagaw ni fen bee ka kan, fo n'a setiye, oyetumutufaamawcumakan ye.

Berehima Ture  
Mahamadu Konta

## Wote kerenkerennen jaabi fölow bora

Tinesako (tako fölo) ni Sikaso toko filanan) wote kerenkerennen minnu kera san 2002 okutoburukalo tile 20, olu jaabi fölow bora lamini minnu fe a ka baarada la san 2002 okutoburukalo tile 24 Kafuguna Kone y'a jira ko nin ye san 2002 wotew bee bannen ye sa, minnu ye demokarasiko sabati jamana kono ka t'a fe. A y'a jira ko wotew kera basigi kono, min sabatu bora politiki mögö la ani faso ka netaa hamid be mögö minnu na. A k'a ben'a ke cogo bee la ka wote nataw cogo ne.

Wotekela tun ye 4351 ye Tinesako. Mögö 1482 wotera; mögö 71 ma wote wotekela kera oojo 1411 ye. Pariti sabab tun be kene kan. ADEMA ye kan 891 soro; kemesarada la o ye 62 ye. «ERIPEMU» ye kan 500 soro; kemesarada o ye 33,73 ye. Parena ye kan 20 döron soro; kemesarada la o ye 1,3 ye. Depite 7 tun ka kan ka ta Sikaso. Pariti fila tun be kene kan. «ESIPUWARI 2002» ni «ADEMA». Wotekela 47.760 wotera mögö 252.074 la minnu togow sebenna. Wotekela minnu wotera olu benna mögö 47.041 ma. ADEMA ye kan 26386 soro o ye kemesarada la 55,24 ye. «ERIPEMU» - SINIDI ye kan 20653 soro, kemesarada la o ye 43,24 ye.

Salimi Bajaga  
Dadama Dukure

## Depitew ka biro

Le'mogo : Ibarahima Bubakari Keyita (ERIPEMU)  
 Le'mogo dankan 2nan : Moutaga Tali (Sinidi)  
 Le'mogo dankan 3nan : Asaridi Agi Enbarikawani (ADEMA)  
 Le'mogo dankan 4nan : Madamu Diko Jeneba Sise (ERIPEMU)  
 Le'mogo dankan 5nan : Umaru Kanute (EMUPERI)  
 Le'mogo dankan 6nan : Amadu Ali Nangado (ERIDT)  
 Le'mogo dankan 7nan : Baba Umaru Bore (ADEMA)  
 Le'mogo dankan 8nan : Madamu Asikofare Ulematu Tanbura (Jonyereye).  
 Sebenjenabola fôlô : madumu Tanbe Saran Sangare (ERIPEMU)  
 Sebenjenabola 2nan : Bubakari Ture (ERIPEMU)  
 Sebenjenabola 3nan : Mamadu Bagayoko (SEDESI)  
 Sebenjenabola 4nan : Sekina Sidibe (jonyereye)  
 Sebenjenabola 5nan : Madani Tarawele (Sinidi)  
 Sebenjenabola 6nan : Mohamedi Denba Jalo (BDIA)  
 Sebenjenabola 7nan : Dawuda Ture (ADEMA)  
 Sebenjenabola 8nan : Yakuba Dawu (SADI)  
 Warikonenabola Fôlô : Mamuru Buware (EMUPFRI)  
 Warikonenabola 2nan : Masa Sangare (ADEMA)  
 An b'a hakilijigin k'a fô ko gôcôwul gôcôrôn de b'e depitesigi kuntaala dafa. Tô ta ye san kelen ye, min b'e se ka kuraya.

### Kodiwari kele

Ne b'e kuma Kodiwari kele kan ka d'a kan maliden min b'e Kodiwari o ka ca ba n'a siye. Dôw b'e k'a fô ko fosi te k'u la yen, nka ne ma d'o la. Ne b'e Kodiwari dôñ ka temen hali Mali kan. Kodiwari te dunan fe sanko a tukonmogow. Malidenw b'e Kodiwari dugubaw n'a dugumisew b'ee kono.

### CAFU (farafinna ntolatanko jenabotona) ye sigiyoro kura sôcôs

Sigiyoro kura in kurunbokarila Keri, Misirajamana faaba dafela la, dijë seleke naanintolatanko jenabotona (FIFA) le'mogo Zozefu Bilateri jena. CAF le'mogo ani UEFA le'mogo ka fara Azi ntolatantonba gôcôwul gôcôrônba Mohamedi Benni Hamamu kan, olu b'ee tun b'e kene kan. CAF sigiyoro kura in b'e keri tilebinyanfan fe; a ni kerice ye kilometere 30 ye. Bilateriy'a jira ko yoroin b'e jigiwa. Isa Hayatu ko yoroin b'e kafu ka naniyaw dafa. Ko CAF b'en'a nesin farafinna ntolatankenew labenni ma.

min b'e na in crôy be abôcôyeuyongôl se ka 200 ta gôcôwul gôcôrônba. CAF wa fana biro ka biro fanabâla. A musakaw benna sefawari miliyari 2 ni kôma.

Badama Dukure

### Ntolatan sariya kura

Eropu ntolatan sariya kura ye o'n gôcôwul gôcôrônba alimanika Zerari Alije ye o'y'a jira ko yelema donna ntolatan sariya la. Ni ntolatan tun banna ka sôcô ekipu si ma se si la dô tun b'e fara wati kan. O seginkan kônonibitun donna ntolatan tunbibanyen'o ekipu ka seye. Sariya kura b'a jira ko ni bi donna ntolatan seginkan tilance fôlôla, ka sôcô sanga tan ni duuru ma dafa, ntolatan b'e to senna fo ka sanga 15 dafa, o'y'a bannen ye.

Ni bi fosi ma don tilance fôlôla walima n'u b'e ye bi hake kelen don tilance filanan sanga 15 b'e tan fo ka s'a dan na. Zerari Alije ko nin sariya in b'e ntolatan sankorota. A b'e ke Eropu ntolatanton ntolatankoko kelenw b'ee la. A b'e ke tônw na ani jamana ntolatankuluw la i n'a fô Ero 2004 min b'e tan Pôritigali jamana kan.

Nka dijë selekenani ntolatanton (FIFA) t'a fe ka nin sariya kura in do a ka ntolatanw la fôlô ka ntolatan jo yoroin kelen.

Badama Dukure

### Tulon

Nin desen fila dilanga y'a dab'a kama ka fili 10 k'ula. A'y'olu jini.



Pine keretea. 9) Kiniifte tegge ja. 10) Kartan dô duguma.

Dennin tenbara. 5) Jiribolo dô. 6) Denni kumberekuru. 7) Robu ci dô. 8)

1) Kunsigi min b'e datfuruku sanfe. 2) Tasâ datugu. 3) Numifte tegge. 4)

jaabi

## Kodiwari Lahalayaw

Hali ni bolono bilala kèle banni na gofèrenaman ni mögo murutilenw ce, jekafø ma se ka sabati u ni mögon ce. Do be ka fara dunanw ka nankataw kan. Min ye sörkø ye Kodiwari n'a dafé jamanaw la, o be ka nagasi. farafinna tònba «SEDEAO» be ka ben nini.

Arabadon san 2002 okutoburukalo tile 20 kèlebanni jekulu jamana jemögow ye mögonye fölo ke. O jekulu in ye Gana, Gine Bisawo, Mali, Nizeri, Nizeriya ani Togo ye.

Mögonye kun tun ye ka se ka jekafø sabati kèlelaw ni mögon ce. Togo Peresidan Nasinbe Eyadema Nizeri Peresidan Mamadu Tanja, Mali Peresidan Amadu Tumani Ture ani Kodiwari Peresidan Loran Bagibo tun b'a kene kan, ka fara Afiriki di Sidi Peresidan Tanbo NBeki kan, n'o ye Afiriki tònba «UA» jemögø ye Gana tun no falelen don Peresdan dankan Ali Haji Aliwu Mahami fe; minisiriw tun be ka tow no fa.

Jamaba tun be Amadu Tumani Ture nofø. Kokankow minisiri Lasana Taraweletunb'ala ani sördasijemögø caman.

U kelen ka mögon ye u ye Eyadema ke jemögø ye. U ye laseli ke k'a jira ko sigikafow ka damine teliya la. U'y'a jira ko gofèrenaman ka fanga ka sabali jamanabée kan; ko gofèrenamanfana ka yaafa boloda. Jamana jemögow ka sigikafø ka kan ka ke walasa ka politikikow ni baarakow sidon, ka sörø k'u jenini. K'o be se ka ke sababu ye fan fila bee ka magotø ke.

Mögonye in kelen kofø, kow be ka teliya

«SEDEAO» sördasijemögow ye mögon ye walasa ka sördasiw 2000 bila ka ta Faransi sormdasiw nonabila. An be don min na i ko bi Faransi sördasi 1200 be ka kèle banni kölösi. San 2002 okutoburukalo tile 25 Kodiwari lasigiden min be Mali la Abubakari Sidiki Jabate ye kunnafonidilaw wel'a fe yen, ka kuma Kodiwari kèle kan.

Sanni kuma ka taa yorjan a ye sangafoli ke ka jesiñ mögøwma minnu

### Kani (CAN) 2006 be tan Ezipiti (Misirajamana)

Farafinna ntolatanko jenabotonba kafu (CAF) jemögø Isa Hayatu y'a jira ko san 2006 kani (CAN) be tan ezipitikaw fe yen. Ezipiti temennen kofø, Alizeri, Kodiwari ani Libi tun be kani 2006 no fe. Sanni wote ka ke jamana kelen-kelen bee y'a ka dalilu jira.

Kani tanna Ezipiti siñe saba "1959, 1974, 1986), a tanna tow la siñe kelen - kelen. Ezipiti ntolatannaw farawon ye kupu ta siñe 4; fila ker'u fe yen. Ntolatanyorow be Ezipiti bolo, minnu sababu la, Ezipiti be se ka ntolatan in laben hali sini, i n'a fo Josefi Ali Danserun Haribi y'a fo cogo min na, n'o ye Ezipiti ntolatanko jemögø ye. farafinna ntolatanyorow bee la belebele be Keri; a be se ka mögo 100.000 ta. Ezipiti y'a jira k'a bëna ntolatan ninnu laben ntolatanyorow 8 de kan.

Badama Dukure

ni tora kèle in na. A ko wale jugu min kera malidenw la, ko kèle no don. A folen a ye ko Mali y'a nini ko mögøfagala ninnu ka nini k'u jang, lasigiden y'a jira ko Kodiwariden bee ka kan ka ben; ko n'o ma ke se be gofèrenaman ye bi ka mögo murutilen ninnu gen ka bo Kodiwari kono. A y'a jira ko wajibi don Kodiwari ni Mali ka ben sabu Mali mago be Kodiwari la cogo min na Kodiwari fana mago be Mali la ten.

Salimu Togola  
Badama Dukure

## Samiye ma ne

Kibarudumantéyanbi. Anwka samiye tiñena ja fe tun ninan. Senefen sabatilenw te yan bilen. No o, kaba o, tiga o, koori o, tile y'a no bil'a tilance bee la kana. Kosa in na sanji soreñen tena se ka fosi were ne senefen ninnu caman ye bilen. Sanji desera dugukoloja ke ani ka forow halaki tile fe.

Salon nin mögon kelen de kera fo k'o samiye tiñe. Mögøye kongomunu, ka foro minnu senetén ninan, o muju ka baara sara keto file falaki y'an bolotun. Baganw tun be minnu bolo olu y'o bee feere ka balo san walasa ka se ka ninan samiye ke. O bee ko ni ninan fana tiñena nin cogo la, mun bëna feere ka sanwëre ta latige?

An file nin tubabukalo tannan min na, faamaw k'o ka ke mögonde me kalo ye malidenw bolo. Otuma Ala m'olu hakili t'an, na yan. Ala ma hakili numan dir'u ma. U ka se ka gelya nato kunben.

Cekoroba Bagasiton Tarawele Basabugu.

"AMAP" kuntigi

Gawusu DARABO

Mali kanw kunnafonisbenw

baarada kuntigi

Nenze Samake

Kibaru

BP. 24 Telefoni: 221-21-04

Kibaru Buquifiye Bozola

Bamako - Mali

Dilanbagaw ni sebenbagaw kuntigi

Basiriki Ture

Sebenbagaw kuntigi

Badama Dukure

Labugunyorow Kibaru dated lan baarada

Bolen Hak: 16.000

## Mali y'a ka nisongoya jira Kodiwari famanw la

Kokankow minisiri Lasana Tarawele ye laselisèben dòdi Kodiwari lasigiden ma san 2002 okutoburukalo tile 22. Laselisèben in kono, gofèrenaman y'a jira ko kèle min be Kodiwari kono kabini san 2002 setanburukalo tile 19, k'o ko be k'a jore kosebø.

A k'a ye cogo bee ke walasa kèle in be dalasa; a ye ko bee fana ke walasa kodiwarika minn'u dogolen be Mali kono töro kan'u sörø. A y'a kölösi, ko kèle in juguyara kosa in na fo ka baasi lase malidenw ma Kodiwari, kerenkerenneny la Dalowa dugu kono. K'a b'a ka dusukasi lase kodiwari faamaw ma.

A k'a b'a jira ko malidenw ka kan ka kölösi k'u tanga i n'a fo farafinna tònba «UEMOA ni SEDEAO» ka sariyaw b'a jira cogo min na. Ko gofèrenaman b'a nini Kodiwari faamaw fe, u k'a ke cogo bee la, ka malidenw latanga kèle in baasiw ma, an'u ka minenw.